

Sandra Brown:

"Den e concierto di bida ningun hende ta haya e programa traha"!

ORANJESTAD (AAN) -- Sandra Brown, di Fundacion Pa Hende Muher den Dificultad, a toca diferente aspecto interesante durante su participacion como panelista den e forum organiza pa AJC, manera DIARIO a trece dilanti den un articulo anterior. Esaki relaciona cu e tema di e forum "Bo sa kico ta matrimonio?"

Sandra a referi na "Jaloursimento" cu riba su mes ta un sentimento normal, pero ora e pasa e limite por bira un problema sumamente serio, tanto prome como despues di matrimonio.

Tin mucha muher ta gusta sa cu mucha homber ta un tiki jaloers. Esey no necesariamente ta sinonimo di desconfianza. Pero loke si no ta normal ta ora un mucha muher mester tolera cu su novio por tin di 2 pa 3 chick mas, y e mes ta bin ta e di 4. Segun Sandra, den un situacion asina y menos cu esey, e mucha muher mester habri porta hanchu habri pa su novio sali bay y no bolbe mas. "Exigi pa bo ta e unico. No worry si e relacion kibra, pasobra si e ta stima bo berdaderamente e ta keda cu bo so", el a expresa.

"Habri bo wowo!", Sandra Brown a acentua, pasobra si bo novio ta controla bo pero e si mag bay caminda cu e kier, e relacion aki por caba den

fracaso.

Sandra a splica cu tin hopi matrimonio unda e señora ta worde culpa pa delaster un cos cu no ta sali bon den cas. Si e homber ta perde trabao e tira falta riba su casa.

Insultonan y maltrato mental ta bin, pero despues e homber ta bin pidi pordon.

Den e temporada di noviazgo tin hopi chens pa muchanan muher "habri nan wowo".

"Si bo mucha homber ta pusha bo dal abao den noviazgo no wante. Hopi mucha muher ta wanta e cosnan aki. Pakico?"

Tin parehanan unda esaki ta un practica diario, pero tog esey no ta aceptable. Tin hende muher cu ta tuma e decision di caba cu un relacion asina, ora e ta laat".

Sandra Brown a sigui bisa cu tin mucha homber cu ta los man pa su mucha muher cu frecuencia. E ta haya cu e muchanan muher aki mester "los" e novio aki y lague bay.

"Pasobra abo tin e balor sentimental cu ta loke nan ta kibra. Pero esey no ta amor". Hende muher tin balor como persona y su dignidad y esaki cada un mester defende y ta conciente di dje.

Sandra a acentua cu Dios a traha e ser humano na Su imagen y semehanza, y cu Dios no kier pa ningun hende maltrata otro.

Si un relacion no ta duna un

hobencita nada bon, mehor e sali for di dje.

Tambe el a señala cu ningun mucha muher mester tin relacion sexual bao di presion, ni mag worde forza pa esaki.

INTIMIDACION Y AMENAZA

Ta sosode den parehanan cual relacion a kibra, cu e partner masculino no kier pa su mucha muher (of su casa) lague, y e ora ey ta surgi amenaza.

"Si bo laga mi, mi ta haci bo tal cos. E ora ey e dama mester bisa NO!. Bisa te aki nos

ta yega, mi no ta wanta sla, abuso y ningun maltrato mas. No wanta nada di bo pareha si e no ta pas cu bo!"

Sandra Brown a remarca cu tur ser humano mester di amor. Esaki ta e base y e meta pakico biba den pareha.

"Den e concierto di bida ningun hende ta haya e programa traha. Pero e boluntad mester tey pa ambos sostene otro. Abo mes por trece cambio y haci e diferencia".

Sandra a enfatiza cu no pasobra den cas di e mucha muher of mucha homber tin

problema, esey kiermen cu nan tambe mester biba un bida asina, y no pasobra un mucha muher tin miedo na keda soltero e mester casa. "Manera un dicho ta bisa mehor so cu mal acompaña. Habri bo wowo!". Esaki ta e palabranan cu cual Sandra Brown a finaliza su presentacion.

Keda pendiente pa e parti final di e informacion tocante e forum aki, cu ta e participacion di Dolfi y Belen Kock como un matrimonio stabil cu a caba di celebra su 30 aniversario di bida conyugal.

Gobernador a haya bishita di Kapitein L.T.J. Leenders



KAPITEIN L.T.J. LEENDERS CERCA MINISTRO PRESIDENT



ORANJESTAD (AAN): Diabierna ultimo Kapitein Lt.ter Zee a haya un bishita di cortesia cerca Gobernador mr.O.Koolman. Commandant nobo di Su Mahestad Willem van der Zaan, a ser acompaña pa Lt.Kolonel

G.R. Vollema, commandant di Mariniers kazerne. Alavez segun foto por aprecia e saludo militar y partida di e stationschip nobo, pasando for di haf pasando enfrente di cas di Gobernador, y cu lo keda un 7 luna den e area di Caribe.

FOR SALE OR RENT by owner

Executive house at Ponton:

5 bedrooms, 5 1/2 bath, laundry area, garage w/garage door, living room, kitchen, dining room, patio, swimming pool w/bath & bar, annex apartment, security system.

Call (824250) or fax (837921)

E.R. Arends during business hours

TELEFONNAN DI DIARIO
826747- FAX 828551

ORANJESTAD (AAN): Diabierna ultimo Ministro President demisionario mr.J.H.A.(Henny) Eman a

haya bishita (cortesia) di Kapitein Lt.ter Zee J.Leenders, commandant di e stationschip nobo Mahestad

Willem van der Zaan, cu a ser acompaña pa Commandant di Marinierskazerne Lt.Kolonel G.R.Volleman.